

Symma Juris Canonici

Comprehensa Tribus Partibus In Qua Distincte Et Succincte Explicantur,
quae ad personas, negotia, & iudicia Ecclesiastica ex Canonum præscripto,
pertinent

Sive Commentarius In Regulas Juris Pontificii, Quæ In Libro Quinto, Et
Sexto Decretalium Continentur

Strein, Johann

Coloniæ Agrippinæ, 1659

Regula LXXIII. Factum legitimè retractari non debet, licet casus postea
eveniat, à quo non potuit inchoari.

[urn:nbn:de:hbz:466:1-61853](#)

R. Quando iphius personæ opus à lege determinatur, & excluditur alienum, non est præsentis Regulæ locus ut possimus dicere. Quod quis per alium facit, &c. Cujus rei exempla in civilibus, & spiritualibus plurima sunt, ut ex dictis liquet. In illis etiam ubi non excluditur substitutio, consultius, & ad meritum utilius est suopte ingenio, & exercitio actionem perficere. Quod eleganter S Chrysost. explicat, in hom. cita.

Quod dispensatio, &c. Effice ut tu tuorum rerum dispensator sis. Sanctè, pie, & justè faciunt, qui per alios infirmos visitant, nudes vestiunt, esurientes paciunt, captivos consolantur: sed majora illi præmia consequuntur, qui hac ipsi faciunt, cum possunt, id quod ex historia evangelica de Regula, qui ipse ad dominum venit, & illo, qui alium eum misit, apparet.

REGVLA LXXIII.

Factum legitimè retractari non debet, licet casus postea eveniat, à quo non potuit inchoari.

I. **E**odem sensu dicitur, Non tollit factum, quod impedit faciendum. 1. in ambiguis. §. Non est novum. ff. de Re. Iur. 1. si servum quis. §. ult. de acquir. hered. Exempla non desunt, uti nec exceptiones. 1. Si matrimonium contrahit, quis dum sanè mentis est, si superveniat amentia, non retractat illud, aut disolvit. 1. Patre furioso. ff. Qui sunt sui, vel alieni iuris. Idem dicendum, si superveniat affinitas, vel cognatio spiritualis. c. penult. & ult. de eo, qui cognovit consanguineam. 2. Non vitiatur testamentum furiosi, qui cum sibi constaret, illud condidit. 1. Is eius. ff. de testamentis. 3. Praesentatus ad ecclesiam à legitimo patrono, non renovetur, licet jure patronatus postea spoliatur patronus. c. Consultationib. de sur patronatus. 4. Si causa committatur Canonico, qui postmodum Canonicus esse designat, non perit propterea com-

missio ejusdem. Bald. ad l. Generaliter. c. de ep. & cler. 5. Iudex datus, in officio suo persistit, quamvis mente excidat, quia nimur ab initio legitimè institutus fuit juxta hanc Regulam.

II. Amplia 1. Ut valeat etiam in eo, quod ab actu illo legitimè factum pender. Nam sicuti legitimè initium matrimonium non vitiatur à superveniente impedimento, ratione cuius inchoari non potuisset, ita nec patria potest cessat, nec commodum acquisitionis eorum, quæ filius acquirit: sed hæc omnia patri manent, sicuti prius erant. 1. furioso patre. ff. de his, qui sunt sui, vel al. iur.

Amplia 2. Quamvis causa actus legitimè facti cesseret per casum supervenientem. Nam si post donationem liberinascantur donatori, legitimè facta donatio non revocatur; neque iisdem mortuis retractatur. 1. si unquam. c. de

terre don. Item si mater liberorum tutelam semel amiserit propter secundas nuptias, non redit ad eandem, licet secundi matrimonii vir è vivis decedat. auth. Ut matri, & avia. C. quando mulier iugio tur fungatur.

Amplia 3. Ad actum, qui in se non est consummatus, & perfectus, sed pro perfecto habetur jure aliquo singulari. Vnde si argentum testamento legatum sit, & quoad formam sit incepsum tantum, ex superveniente casu, quo per rerum naturam pro perfecto haberi nequeat, legatum nihilominus manebit. Etsi non sint ff. de aur. & arg. legato. V. Bartol. in l. §. Etsi placeat ff. de iis, qui sunt sui. Burat. decif. 106. n. 11. Covarr. in c. Quamvis pactum. part. 2. §. 1. n. 7. Tiraquell. Tract. Cessante causa. limit. 12. n. 15. Decim in Reg. I. C. 85. §. Non est nouum.

III. Obj. 1. Qui ad prælaturam ecclesiasticam legitimè electus est, si ante confirmationem orta lite de calumnia juret, & postea duas contrarias positiones objectionibus oppositis præstet, tanquam perjurius ab electione & beneficio dejicitur. c. fin. de iure iur. m. 6. ergo retractatur, quod legitimè factum erat, ex casu superveniente, à quo non poterat inchoari. Neque enim si perjurium antecessisset, eligi poterat.

R. Peckus factum legitimum retractari ex casu superveniente in odium ejus, cuius culpa calus evenit. Is enim cum pena dignus sit, non honore, hujus regulæ beneficio se juvare nequit: & publicus ecclesia favor postulat, impuros & nefarios pastores magno a-

liorum scandalonon tolerari. Sed hujus responsi vis major est, quam expeditat. Nam si propter delictum, retractari potest aut debet, quod legitimè factum est, cur beneficio suo non privatū statim concubinarius, cur animarum cura relinquitur illi, qui scandalosè vivit: cur non privatū hereditate, vel legato, qui illo per luxum abutitur?

Dicendum igitur in casu proposito non retractari electionem legitimè factam, sed propter perjurii crimen justè negari confirmationem, quæ quasi si gillum electionis est, sine quo nullum effectum electio habet.

Obj. 2. Si qua res utiliter in stipulationem deducta sit, postea verò cultui divino addicatur, & sacra fiat, à quo casu inchoari stipulatio non potuit, obligatio extinguitur, adeoque retractatur, quod factum legitimè erat.

R. Quamdiu res promissa, & nondum tradita est, jus imperfectum habet stipulatus, & mutationi subjacet. Si ergo vel pereat interim, vel alteri tradatur, vel per consecrationem de genere in genus transeat, jus illud inchoatum non perficitur, nec effectus consequitur expectatus. Nihil igitur tunc retractatur, quia non tam aliquid tractatum, quam inchoatum fuit.

Obj. 3. Multa legum testimonia Regulæ huic directè contraria reperiuntur, quibus nihil in toto iure incertius, & magis perplexum esse Peckus ait. Nobis tamen nihil obesse pos-

posunt, quinon Imperatorum, sed Pontificum placita & decreta comple&timur. Itaque si cum Regula nostra non concordant, pro non dictis habe-

mus, & juris profani studiosis commendamus. V. Sur d. Consil. 12 s. u. 11. Isam. Bapt. Costa. de factis scien. & ignor. Vinc. Cmroc. decif. 58 n. 13. Barbos. Axiom. 93.

REGULA LXXIV.

Quod alicui gratosè conceditur, trahi non debet ab aliis in exemplum.

I. **A** Particulari ductam conseruen*i*m claudicare jam adolescentes norunt, qui in primo limine dialetices consistunt: fit nihilominus, nestio quo corrupti appetitus impetu, ut cum Martha contra Mariæ quietem conquerarum, nihil aliud audituri, quam *turbaris nimium*. Soli Iosepho polymita convenit, solius Davidis in medio fratrum suorum regalis unitio est. Nec alia exempla desunt nobis. 1. Si speciali privilegio, ait Peckus, Regi nostro indultum sit, ut electioni Prælati se admiscere, eidemque interesse possit, ne forte seditio aliqua oriatur, hoc ab aliis regibus, & principibus in exemplum trahi non debet. 2. Quod Zacharias pontifex confirmat, scribens Bonifaciu*m* Moguntino Archiepiscopo. Ea hora, *inquit*, quate de præsenti sæculo migraturum cognoveris, præsentibus cunctis tibi successorem designa, ut huc veniat ordinandus. Hoc nulli concedi alii patimur, quod tibi charitate cogente largiri censuimus. Petisti q. 1. 3. Si ex gratia speciali Pontifex alicui concessit, ut possit habere plura beneficia curata, vel per procuratorem visitationem fa-

cere, vel absque residentia percipere omnes redditus beneficii, hoc ab aliis trahi non debet in exemplum, sed jus commune servari, quod est per omnia supradictis contrarium. Item si concessit alicui, quod non teneatur subre munera publica, vel solvere decimas, quia fortè in aliqua re prosperè, ac virtuosè se gessit, hoc similiter trahi non debet in exemplū sed jus commune servari. Et hoc est quod vult regula, probaturque ff. de Constitut. l. 1. Vers. planebis. & C. de Decur. l. Neque Dorotheum. & l. Nullus lib. 10. & de ep. & cler. l. quoniam. Ita Dynus.

II. Ratio verò manifesta est. Privilegia, & dispensationes non conceduntur absque prævia cause discussions. Glossa recepta in e. Requiritur. §. Nis frig. l. q. 7. & ius singulare constituant. l. Ius singulare ff. de legib. Vnde sequitur, judicium, & decisionem superioris non nisi ad præsentem casum respicere, & satisfacere illi solum, qui hic, & nunc petit exemptionem. Cum ergo per eumodi concessionem non commune jus, sed particolare, seu singulare constituantur, regule nostræ observantia necessaria est, ut non trahatur in exemplum seu con-